

在花開般捧爛紅鮮

錢塘

幾萬人家水繞城白雲開處見丹青地連金色三千界山映瑤
峰六尺屏曉凭闌干披宿露夜收簾幕透寒星湖江風物端無
賽半擬蓬萊半洞庭

恆甫以新茶戰勝因詠歌之

人言青白勝黃白子有新芽賽舊芽龍舌急收金鼎火羽衣爭
認雪甌花蓬瀛高駕應須發分武微芳不足誇更重主公能事
者蔡君須入陸生家

題皇仙寶積觀

道藏輯要

虛靖真君語錄

三

又翼集七

仙去仙人往結廬我來自喜駐雲車秋陽今日七月九花蓋長
春千載餘一派松前流水出數行沈約戲題書圍碁注酒食蓮
實聊復有無談太初

京師七夕率賦

七夕風光豈易闌一年一度巧相干不驚高處流星過盡向今
宵仰面看花月有情天闕冷胭山隨分酒杯寒從茲肅肅秋陰
後却恐衾衾未復單

自京還始來龍變軒覓故年幽致閑成長句粗寫虛心

尋得故年香翠團共將真賞倚闌干幾隨白日飛仙變半爲今
朝寶墨乾光冷未粘春物笑影疎來趁月華看江南秋景猶繁